

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- उपराज्यपाल मनोज सिन्हा होरें दिव्यांग जने दी प्रतिभा ते पक्के निश्चे दी सराहना करदे होई आखेआ जे दिव्यांगें दी जीवन दे हर क्षेत्र तगर सखल्ली पुज्ज गी जकीनी बनाने दा उनें पक्का निश्चा कीते दा ऐ।
- केन्द्र सरकार नै केन्द्र प्रायोजत स्कीम तैहत जम्मू कश्मीर च दऊं नमें मैडिकल कालेज बनाने दी मंजूरी दित्ती ऐ।
- भारत सरकार दा आखना ऐ जे उत्तरी कश्मीर च इक होर मैडिकल कालेज खोलने दा कोई प्रस्ताह नेई ऐ।
- जंगलात मंत्री जावेद अहमद राणा होरें जंगलात ते पर्यावरण दे संरक्षण लेई किट्ठे रलियै कम्म करने पर जोर दित्ता ऐ।
- आईपीएल-2025 अज्जै थमां शुरू होआ'रदा ऐ। पैहला मैच मजूदा चैंपियन कोलकाता नाईट राईडर्स ते रॉयल चैलेंजर बैंगलुरु बश्कार ईडन गार्डन च खेड्डेआ जाग।

<><><><><><>

LG-Purple Fest

उपराज्यपाल मनोज सिन्हा होरें दिव्यांग जनें दे दृढ़ धेइयै ते प्रतिभा दी सराहना कीती। उनें जम्मू कश्मीर गी हॉट सुलभ ते समावेशी क्षेत्र बनाने लेई आश्वासन दित्ता। सिन्हा होरें कल जम्मू दे राजभवन च होआ'रदे समारोह पर्पल उत्सव-2025 दे मौके पर एह गल्ल आक्खी। इस समारोह दा मकसद दिव्यांग जनें आस्तै जागरूकता पैदा करना ते उनेंगी सशक्त करना हा। उपराज्यपाल होरें सरकारे थमां आनी गेदिएं उनें पैहलकदमिएं उप्पर बी लोह पाई, जेड़ियां दिव्यांग जनें लेई समर्थक पर्यावरण पैदा कर दियां न ते उंदी अंदरूनी काबलियत गी बी बढ़ावा दिंदियां न। उनें आखेआ जे साढ़ी सरकारै दिव्यांग जनें गी सशक्त करने आस्तै बड़ी गै खास पैहलकदमियां आदिया न तां जे उनेंगी उंदे अधिकार मिली सकन। इस बारे होर गल्ल करदे होई उपराज्यपाल होरें आखेआ.....

<><><><><><>

New Med Coll

केन्द्रीय सरकार नै केन्द्रीय प्रायोजित योजना देहेठ जम्मू कश्मीर दे उनें इलाकें च 8 मैडिकल चिकित्सिक शिक्षा च बधाने आस्तै 2 मैडिकल कालेज खोलने दी मंजूरी दित्ती ऐ, जित्थें पैहले कुसै बी चाल्ली दी इक चिकित्सिक शिक्षा दी सुविधा लेई ऐ। आकाशवाणी जम्मू दे संवाददाता हुंदी रिपोर्ट मूजब जम्मू कश्मीर दे सेहत सरबंधीते परोआर कल्याण मंत्रालय नै जानकारी दित्ती ऐ जे एह 2 नमें मैडिकल कालेजें च इक उधमपुर ते इक कुपवाड़ा जिले च खोलेआ जाग। एह पैहलकइमह केन्द्रीय सरकार थमां समूलचे भारत च सेहत सरबंधी शिक्षा गी होर मजबूत करने आस्तै लैती गई ऐ। जेहदे तैहत पूरे मुखे च बन्ने आले इलाकें समेत होरने थाहरें च कल 157 नमें मैडिकल कालेज खोले जांगन। उहदे इलावा सरकार नै इनें बक्ख-बक्ख मैडिकल कालेजें च 196 पी.जी दी ते 60 एमबीबीएस दी नमीं सीटां कड्डने आस्तै बी मंजूरी दित्ती ऐ तां जे चिकित्सिक शिक्षा गी होर मजबूत कीता जाई सकै।

<><><><><><>

AIIMS N Kmr

केन्द्रीय सरकार नै उत्तरी कश्मीर च एम्स अस्पताल दी स्थापना गी खारत करी दित्ता ऐ। उंदा आखना ऐ जे प्रधानमंत्री स्वास्थ्य सुरक्षा योजना पीएमएसएसवाई दे तैहत ऐसा कोई बी प्रस्ताह नेई ऐ। आकाशवाणी जम्मू दे संवाददाता हुंदी रिपोर्ट मूजब एह गल्ल सेहत ते परोआर कल्याण दे केन्द्र राज्य मंत्री प्रतापरायो जादव होरें लोकसभा च सांसद अब्दुल रशीद शेख हुंदे सुआलै दे परते च आकखी। जादव होरें आखेआ जे पीएमएसएसवाई अभियान दे तैहत जम्मू कश्मीर च कुल 2 एम्स अस्पतालें गी इक जम्मू ते इक कश्मीर च उनेंगी गै मंजूरी दित्ती गेदी ही, इंदे च इक जम्मू दे विजयपुर च ते इक कश्मीर दे अवंतीपोरा च ऐ एहदे इलावा उत्तरी कश्मीर च नमें एम्स अस्पताल गी स्थापत करने दी कोई योजना नेई ऐ।

<><><><><><>

World Water Day

अज्ज पानी सरबंधी कुल संसारी ध्याड़ा ऐ, जिसी हर बरे 22 मार्च गी विश्व जल दिवस दे रूपै च मनाया जंदा ऐ। इस कार्यक्रम गी मनाने दा मकसद साफ पानी दे महत्व गी उजागर करना ते पानी दे कुदरती वसीले दे संरक्षण लेई लोकें गी प्रेरत करना ऐ। एह ध्याड़ा 2030 तगर दुनिया भरै च हर इक व्यक्ति तोड़ी साफ सुथरा पानी पजाने दे सतत विकास लक्ष्य, एसडीजी-6 तगर तेजिया कन्नै पुज्जने लेई बी प्रेरत करदा ऐ।

विश्व जल दिवस दा 2025 लेई विषय सार ऐ “ग्लेशियर संरक्षण” जेहदा मकसद धरती दे बधदे तापमान करी तेजिया नै पिघलदे जा’रदे ग्लेशियरे गी बचाने बारे जागरूक करना ऐ, की जे साढ़े एह ग्लेशियर दुनिया भरै च साफ पानी दे अस्सल जरिया न। दुनिया दे बक्ख-बक्ख हिस्से सनें मुल्ख भरै च अज्ज इस मौके पर केई कार्यक्रम आयोजत कीते जा’रदे न।

<><><><><><>

Natural Farming

रियासी दे कृषि विज्ञान केन्द्र नै स्कास्ट जम्मू दे बैनर हेठ कैंपस च गै कुदरती राई-बाई आसतै 5एं दिनें दे सिखलाई कार्यक्रम दा आयोजन कीता। इस प्रोग्राम च जिले दी केई कृषि सखिएं वाईस चांसलर प्रो. बी.एन. त्रिपाठी ते स्कास्ट जम्मू दे डायरेक्टर एक्सटेंशन प्रो. अमरीश वैद हुंदी दिक्ख-रिक्ख च हिस्सा लैता। इस कार्यक्रम दा मकसद कृषि सखिएं गी कुदरती राई-बाई सरबन्धी बक्ख-बक्ख प्राथाएं बारे जागरूक करना हा।

<><><><><><>

Rana Forest

जंगलात मैहकमे दे मंत्री जावेद अहमद राणा होरें जम्मू कश्मीर दे जांगली इलाकें दे संरक्षण दी जरूरतै पर जोर दित्ता ऐ। जंगलात सरबन्धी अंतर्राष्ट्रीय ध्याड़े दे सिलसिले च कल जम्मू कश्मीर जंगलात विभाग आस्सेआ जम्मू दे कन्वेंशन सेंटर च आयोजित इक कार्यक्रम च बोलदे होई मंत्री होरें इस गल्ले पर लोह पाई जे साढ़े जंगलात जलवायु गी नियमित रखने, ब्हा ते पानी गी साफ सुथरा रखने, कुदरत दा तवाजन ते जैविक बन सबन्नता बनाई रखने च बी मती महतवै आली भूमका निभांदे न ते इस सब्बै दे कारण गै धरती पर जिएं जैतुएं, पक्खरू पक्खेरूएं ते माहनू दी सलामती जमीनी बनदी ऐ। इस कार्यक्रम च शामिल लोकें गी संबोधत करदे होई मुंत्री होरें आखेआ जे जंगले दे महत्वै गी असें सब्बने गी समझना लोड़चदा ते इंदे संरक्षण च अपने हिस्से दा योगदान जरूर देना लोड़चदा। उनें आखेआ.....

<><><><><><>

Terror Associate

जिले च आतंकवाद समर्थकें दे खलाफ सख्त कारवाई करदे होई उधमपुर पुलस नै जम्मू कश्मीर जनें सुरक्षा कनून (पीएसए) दे तैहज इक कट्टर आतंकवादी सैहयोगी गी गिरफ्तार करी लैता ऐ। इस आतंकवादी सैहयोगी दी पंछान फारूक अहमद वल्द अब्दुल हामिद दे तौरा पर कीती गई ऐ ते ओह कठुआ जिले दी तैहसील लौहार्ड तलहार दे सदरोटा दा बसनीक ऐ।

इस आदमी गी आतंकवादिएं गी समेयान पजाने, उनेंगी इलाकें बारे जानकारी देने ते सुविधा उपलब्ध कराने दे अरोपें च फगड़ेआ गेआ ऐ। इनें गतिविधिएं दे सबूत थोने ते पिछले रिकार्ड गी दिक्खदे होई उसी पीएसए दे तैह्त् गिरफ्तार कीता ऐ। इस बारे होर मती जानकारी साढ़े उधमपुर दे जिला संवाददाता अचिन दूबे कोला.....

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न।

<><><><><><>

Rana Dogri Song

जनजातीय मामले दे मंत्री जावेद अहमद राणा होरें कल जम्मू च इक कार्यक्रम दरान डोगरी गीत “गल्ल सुनी लै” जारी कीता जेह्दे च डुग्गर प्रांत दी कला ते संगीत गी बड़ी शैल ढंगै सिर दर्शाया गेदा ऐ। कार्यक्रम दे मुख्ख परौहने दे रूप च मंत्री होरें गीत तैआर करने आली टीम दी सराहना कीती ते आखेआ जे डुग्गर दी कला, संस्कृति ते परम्पराएं गी जिंदा रखने लेई इस चाल्ली दे गीत, फिल्मां, एलबम बगैरा तैआर कीतियां जानियां लोड़चदियां। उनें क्षेत्रीय कलाकारें गी समर्थन देने ते सांस्कृतिक गतिविधिएं गी बढ़ावा देने दे उमर अब्दुल्ला हुंदी अगुवाई आली सरकार दे धेइयै गी पक्का कीता। इस मौके पद्मश्री बलवंत ठाकुर होरें मान जोग परौहने दे तौरा पर मजूद हे। जिनें टीम दे कम्में दी मती सराहना कीती।

<><><><><><>

IPL

इंडियन प्रीमियर लीग दा 18मां संस्करण अज्जै थमां शुरू होआ'रदा ऐ। उद्घाटनी मैच च अज्ज संजा रॉयल चैलेजर्स बैंगलुरु दा मकाबला पिछली बारी दी जित्ती दी टीम कोलकाता नाईट राईडर्स कन्नै कोलकाता दे ईडन गार्डन मैदान च होग। मैच सजां साढ़े 7 बजे शुरू होग। प्रतियोगिता च 10एं टीमें दे 74 मैच होंगन। फाइनल मैच 25 मई गी खेड्डेआ जाग।

<><><><><><>